



Na osnovu člana 56. Zakona o hrani („Službeni glasnik BiH“, broj 50/04), 61. Zakona o upravi („Službeni glasnik BiH“, br. 32/02 i 102/09), člana 69. stav (1) tačka b) i stav (2) tačka e) Zakona o javnim nabavkama („Službeni glasnik BiH“, broj 39/14), člana 27. Pravilnika o javnim nabavkama (broj: 01-1-02-3-86/15 od 23.01.2015. godine), shodno prijedlogu Komisije za provođenje postupka javne nabavke za LOT 2 Nabavka tonera (broj: 01-1-16-3-1532-30-6/17 od 29.11.2017. godine), direktor Agencije za sigurnost hrane Bosne i Hercegovine, donosi:

ODLUKU

o poništenju postupka nabavke za LOT 2 Nabavka tonera

I

Prihvata se prijedlog Komisije za provođenje postupka javne nabavke za LOT 2 Nabavka tonera, te se poništava postupak nabavke za LOT 2 Nabavka tonera.

II

Postupak nabavke poništava se jer su cijene svih prihvatljivih ponuda znatno veće od osiguranih sredstava Agencije za sigurnost hrane Bosne i Hercegovine, za predmetnu nabavku.

III

Predmetni postupak nabavke proveo se putem konkurentskog zahtjeva za dostavljanje ponuda.

U predviđenom roku za prijem ponuda (15.11.2017. godine do 13 sati) za LOT 2 u Agenciju za sigurnost hrane Bosne i Hercegovine su zaprimljene 2 (dvije) ponude od ponuđača DEFTER d.o.o. i od ponuđača PRINTEX d.o.o.

IV

Obavještenje o nabavci je objavljeno na portalu javnih nabavki broj: 365-7-1-25-3-49/17 dana 2.11.2017. godine.

V

Ova Odluka objavljuje se na web stranici Agencije za sigurnost hrane Bosne i Hercegovine www.fsa.gov.ba istovremeno sa upućivanjem obavijesti ponuđačima koji su učestvovali u postupku javne nabavke.

VI

Izvještaj o provedenom postupku nabavke će biti dostavljen Agenciji za javne nabavke Bosne i Hercegovine u skladu sa članom 75. Zakona o javnim nabavkama („Službeni glasnik BiH“, broj 39/14).

VII

Ova Odluka stupa na snagu danom donošenja.

Образложење

Odlukom broj: 01-1-16-3-1532-2/17 od 13.09.2017. godine pokrenut je postupak javne nabavke roba pod nazivom: „Nabavka kancelarijskog materijala LOT 1 i Nabavka tonera LOT 2“. Komisija za provođenje postupka javne nabavke imenovana je Odlukom direktora Agencije broj: 01-1-16-3-1532-3/17 od 13.9.2017. godine.

Postupak nabavke proveden je putem konkurentskog zahtjeva. Nabavka je podjeljena u dva LOT-a. Shodno Odluci o pokretanju nabavke procjenjena vrijednost nabavke za oba LOT-a bez PDV-a iznosi 12.264,00 KM. Procjenjena vrijednost nabavke za LOT 2 Nabavka tonera iznosi 5.000,00 KM bez PDV-a. Oznaka i naziv iz JRJN: Za LOT 2 30125100-2 - Patrone s tonerom.

U skladu sa Uputstvom o uslovima i načinu objavljivanja obavještenja i dostavljanja izvještaja u postupcima javnih nabavki u informacionom sistemu „E-nabavke“ („Službeni glasnik BiH“, br. 90/14 i 53/15), predmetna Tenderska dokumentacija objavljena je u sistemu „E-nabavke“, te u skladu sa članom 9. stav (5) navedenog Uputstva upućeni su pozivi za preuzimanje Tenderske dokumentacije u sistemu „E-nabavke“ koji odgovara zahtjevu za dostavu ponuda iz člana 88. stav (1) Zakona o javnim nabavkama („Službeni glasnik BiH“, broj 39/14). Do roka za prijem ponuda, sljedeći privredni subjekti preuzeli su Tendersku dokumentaciju iz sistema „E-nabavke“: BBS Europe, ekipija, Defter d.o.o., Net d.o.o., Printex, R&S d.o.o., Compex d.o.o., Famis d.o.o., Ekoprint d.o.o., Primaprom d.o.o., Plan Plus d.o.o., Svjetlostkomerc d.o.o., Antonio Commerce d.o.o., Futura Multimedia d.o.o., Xenon Forte d.o.o.

U skladu sa Tenderskom dokumentacijom i Obavještenjem o nabavci dana 15.11.2017. godine sa početkom u 13 i 30 održano je javno otvaranje ponuda. Na javnom otvaranju nije bilo prisutnih predstavnika ponuđača. U predviđenom roku za prijem ponuda (15.11.2017. godine do 13 sati) za LOT 2 u Agenciju su zaprimljene 2 (dvije) ponude od ponuđača DEFTER d.o.o. Sarajevo i od ponuđača PRINTEX d.o.o.

Komisija je u punom sastavu na zatvorenom sastanku izvršila pregled i ocjenu ponude.

U postupku pregleda i ocjene ponuda, Komisija za provođenje postupka nabavke je tokom pregleda ponude Printex d.o.o. uočila računске greške u obrascu za cijenu ponude, te je Komisija shodno Zakonu o javnim nabavkama Bosne i Hercegovine („Službeni glasnik BiH“, br. 39/14) i Uputstvom za pripremu modela tenderske dokumentacije („Službeni glasnik BiH“, broj 90/14), poslala dopis dobavljaču u kojem je tražila pismeno očitovanje na ispravku naznačene računске greške. Dobavljač je svojim aktom (broj: 02-16-3-1532-30-3/17 od 17.11.2017. godine) dostavio očitovanje na ispravku računске greške.

Komisija je izvršila poređenje cijene ponuda ponuđača, kako slijedi

Ukupna cijena ponude ponuđača „Defter“ d.o.o. Sarajevo bez PDV-a za LOT 2 iznosi 3.700,00 KM.

Ukupna cijena ponude ponuđača „Printex“ d.o.o. Sarajevo bez PDV-a za LOT 2 iznosi 11.851,00 KM. Navedena cijena ponuđača je znatno veća od osiguranih sredstava u budžetu ugovornog organa i znatno je veća od procjenjene vrijednosti nabavke.

Postupajući u skladu sa članom 66. Zakona o javnim nabavkama („Službeni glasnik BiH“, broj 39/14) i članom 17. stav (7) tačka b) Uputstva za pripremu modela tenderske dokumentacije i ponuda („Službeni glasnik BiH“, broj 90/14), kojim je određeno da Ugovorni



organ obavezno traži od ponuđača pismeno pojašnjenje cijene ponude koju smatra neprirodno niskom ako je cijena ponude za više od 20% niža od cijene drugorangirane prihvatljive ponude, Komisija je sačinila i uputila dopis ponuđaču Defter d.o.o. u kojem je zatražila pismeno pojašnjenje neprirodno niske cijene ponude.

Ponuđač Defter d.o.o. je dostavio pismeno pojašnjenje cijene ponude (akt broj: 02-16-3-1532-30-5/17 od 20.11.2017. godine), u kojem je dostavio kalkulacije nabavnih cijena elemenata ponude, u svrhu opravdanja neprirodno niske cijene.

Komisija je nakon sagledanog pojašnjenja zauzela stav da ponuđač nije dostavio osnovano obrazloženje neprirodno niske cijene, odnosno nije jasno naveo ni dokumentirao dokaze koji opravdavaju iznos ponuđene cijene. Također, ponuđač u svom obrazloženju nije dostavio uporednu cijenu s tržišnim cijenama roba koje su predmet nabavke koja bi, shodno dostupnim informacijama sa kojima raspolaže Komisija, evidentno pokazala da su ponuđene cijene za neke proizvode i do nekoliko puta niže u odnosu na tržišne cijene. Pregledajući dostavljenu kalkulaciju Komisija je uočila da je za pojedine robe u kalkulaciji cijene naveden drugi dobavljač umjesto Defter d.o.o. i to Alfom d.o.o., Biro Commerce d.o.o., i Atom Distribution d.o.o., a da isto nije pojašnjeno u pismenom obrazloženju.

Komisija je uporedila ukupne cijene ponuda dostavljenih od ponuđača te je utvrdila da je ponuda ponuđača Defter d.o.o niža za 68,78% od ponude drugog ponuđača Printex d.o.o..

Komisija je upoznata da neprirodno niska cijena predstavlja cijenu koja je značajno niža od tržišne cijene, i koja je dovoljna da poluči sumnju u to da li taj ponuđač može izvršiti ugovor u skladu sa navedenim uslovima za tu cijenu, u slučaju da ta ponuda bude najuspješnija ponuda.

Komisija je stava da je ponuđač pored dostavljene kalkulacije cijene pojedinih roba trebao dostaviti pisano argumentovano obrazloženje ukupne cijene ponude sa obrazloženim razlozima za ponuđenu cijenu ponude, a na osnovu kojeg bi se Komisija mogla uvjeriti da je dostavljena cijena ponude realna.

Slijedom naprijed navedenog, Komisija je jednoglasno zauzela stav da se ponuda ponuđača Defter d.o.o. odbaci u skladu sa članom 66. stav (1) Zakona o javnim nabavkama ("Službeni glasnik BiH", broj 39/14), jer ponuđač nije dostavio osnovano obrazloženje neprirodno niske cijene ponude.

Komisija je sagledala ponudu ponuđača Printex d.o.o. sa ukupnom cijenom u iznosu 11.851,00 KM bez PDV-a. Komisija je konstatovala da je ponuda kompletna, ali da je dostavljena ponuda ponuđača Printex d.o.o. značajano veća od osiguranih sredstava u budžetu Ugovornog organa za predmetnu nabavku i da je značajno je veća od procjenje vrijednosti nabavke koja je iznosila 5.000,00 KM bez PDV-a. Ugovorni organ nema mogućnosti da osigura dodatna (nedostajuća) sredstava u budžetu za predmetnu nabavku.

Slijedom navedenog, Komisija je jednoglasno predložila: da se donese Odluka o poništenju postupka LOT 2 Nabavka tonera u skladu sa članom 69. stav (2) tačka e) Zakona o javnim nabavkama („Službeni glasnik BiH“, broj 39/14) u kojem je navedeno da je Ugovorni organ obavezan poništiti postupak nabavke ukoliko su cijene svih prihvatljivih ponuda znatno veće od osiguranih sredstava za predmetnu nabavku.

Ovom Odlukom prihvaćen je prijedlog Komisije. U postupku donošenja Odluke posebno su ocijenjene činjenice da je Komisija za javne nabavke pravilno i potpuno dala ocjenu



zaprimljenih ponuda u skladu sa Zakonom o javnim nabavkama, podzakonskim aktima, internim aktima i Tenderskom dokumentacijom.

Pouka o pravnom lijeku:

Protiv ove Odluke može se izjaviti žalba ugovornom organu u roku od 5 (pet) dana od dana prijema ove Odluke na adresu: Kneza Višeslava bb, 88000 Mostar, u pisanoj formi u tri primjerka.

DIREKTOR

mr. sci. Džemil Hajrić, s.r.

Dostaviti:

- *Defter d.o.o,*
- *Printex d.o.o.,*
- *www.fsa.gov.ba,*
- *u predmet,*
- *a/a*

